

活幼心書

守敬題藏

抱龍之義抱者保也龍者肝也肝應東方青龍木木生火所謂生我者父母也肝屬母心爲子母安則子安心藏神肝藏魂神魂既定萬從何生故曰抱龍圖理不

琥珀爲龍圖一

借執風堂藏至元刻本重
校刊

卷之二

圓膏門

圓類

琥珀抱龍圓一

抱龍之義抱者保也龍者肝也肝應東方青龍木木生火所謂生我者父母也肝爲母心爲子母安則子安況心藏神肝藏魂神魂既定驚從何生故曰抱龍圓理小兒諸驚四時感冒風寒溫疫邪熱致煩燥不寧痰嗽氣急及瘡疹欲出發搐並宜可投其藥性溫平不僭不燥

常服祛風化痰鎮心解熱和脾胃益精神

眞琥珀

天竺黃

檀香

細人參

去蘆

白茯苓

去皮五味各一兩半

粉草

三兩去節

枳殼

如前製

枳實

如前製二味各一兩

水飛硃砂

五兩先以碎石引去鐵屑次用水乳鉢內細杵取浮者飛過淨器中澄清

去上餘水如此法一般

山藥

去黑皮一斤剉作小塊慢火炒令熱

透候

南星

一兩剉碎用臘月黃牛膽釀經一夏用

金箔

百片去護紙取見成

藥一兩同在乳鉢內極細杵仍和勻前藥末用

右前十二味除硃砂金箔不入研內餘十味檀香不過

火外九味或曬或焙同研爲末和勻硃砂金箔每一兩

重取新汲井水一兩重入乳鉢內略杵勻隨手圓此樣
○大一粒陰乾晴霽略曬日色燥甚則捩折宜頓放當
風處取其自乾治法並用葱湯無時化服或薄荷湯痰
壅嗽甚淡薑湯下豆瘡見形有驚溫淨湯下心悸不安
燈心湯下暑天迷悶麥門冬熟水下百日內嬰孩每圓
分三次投二歲以上者止一圓或二圓其品劑修合之
日但缺一味不依製度必無效矣常用瓦瓶入麝香同
貯毋使散泄氣味入珍珠末一兩合和名金珠散蓋珍
珠能鎮心寧肝墜痰尤效治法湯使同前此藥乃家傳

祕方嘗自精製出賣人多信用取者甚眾今推誠利行
願與天下共之非敢自矜特以全嬰爲念耳

鎮驚圓二

主急慢二驚風痰上壅手足抽掣口眼喎斜燥煩生嘔
精神昏悶常服寧心鎮驚疏風順氣

人參

去蘆三錢

粉草

半生半炙

茯神

去皮木根

僵蠶

去絲

枳殼

如前製四味各五錢

白附子

南星

如前製

白茯苓

去皮

鵬砂

牙消

硃砂

水飛六味各二錢半

全蠍

拾尾去毒

麝香

一字

右除牙消鵬砂麝香硃砂四味用乳鉢細研餘九味焙
爲末入乳鉢內和勻前四味用糯米粉水煮清糊爲圓
梧桐子大就帶潤以銀硃爲衣每服三圓至五圓或七
圓急驚用溫茶清磨化投服慢驚以生薑熟附子煎湯
研化溫服薄荷湯化下或麥門冬湯

烏犀圓三

主諸積滯夾風溫胃調脾消進飲食吐逆有酸醜氣面
黃肌瘦不拘孩兒生後歲月遠近並宜可服

烏犀

阜莢

劉三寸長安灰火中見清煙起爲
度取出地上瓦盪蓋定存性冷用

錢七 硫黃

白薑

二味各三錢半

陳皮

去白

川烏

炮去皮臍二味各五錢

巴豆

七十七粒去殼膜心存油

右硫黃一味先入研內研細除巴豆外餘四味同焙爲

末仍以巴豆薄切在乳鉢極細杵再同前五味藥末杵

勻用粳大米飯包作糗子一大箇小瓦瓶盛水熟煮候

冷取出在沙鉢中爛杵細布兜緊捻出如稠糊安在別

器內以藥末亭分同杵細軟圓粟穀大取諸積每服十

五圓或二十一圓至三十三圓並用淡薑湯泡冷飯取

汁小盞五更初空心送下通利三五行以勻氣散止補

治積吐有酸醜氣每服三圓至五圓用淡薑湯入米醋少許候溫空心投下

香芎圓四

治諸淋證若患風閉尤效

淨香附

鹽水炒

川芎

赤茯苓

去皮三味各半兩

海金沙

滑石

二味各一兩

枳殼

如前製

澤瀉

去粗皮

石葦

去毛梗取薄葉

檳榔

不過火四味各二錢半

右件剉曬爲末糯米粉煮爲清糊圓麻仁大每服三十圓至五十五圓或七十七圓並用麥門冬熟水空心

送下若小便澀痛滴三五點者取長江順流水用火微溫入鹽少許調勻空心嚥服

香連圓五

治赤白下痢煩渴作痛

南木香

半兩不
過火

淨黃連

一兩剉用茱萸
炒仍去葉梗

烏梅肉

二錢半薄切用
屋瓦慢火焙乾

右件爲末用阿膠半兩剉碎炒脹水化如糊候冷入乳鉢內同前藥末亭分杵勻圓作麻仁大赤痢每服三十圓至五十五圓或七十七圓甘草湯空心下白痢圓

數同前白薑湯空心下赤白交作溫米清湯空心嚙服

化癖圓六

主癖結氣塊在兩脇之間日久不化乍寒乍熱藏府不調米穀不消哽氣喘促胸腹滿悶及理丁奚哺露

南木香 陳皮

去白

莪朮

去毛炒

三稜

炮剉

青皮

巴豆九粒去殼膜心微炒

枳殼

如前製

檳榔

七味各半兩

白朮

丁香

二味各二錢

細墨

燒存性用四錢

右除木香檳榔丁香不過火餘七味焙同前三味爲末麪糊圓作麻仁大每服十五圓至二十一圓清米湯空

心下有寒熱往來以柴胡飲閒服忌油膩生冷飲食

蘆薈圓七

主五疳八痢蛇蟲藏府虛弱身體瘦悴頭髮焦疏腹脹
青筋小便白濁渴水無度洞泄不時穀食難化徧身瘡
疥神色乾燥此藥大能養胃壯氣止痢除蟲長肌健力

南木香

丁香

二味各二錢半

訶子

去核取肉

肉豆蔻

二味各半兩

使君子肉

蘆薈

二味各四錢

棗肉

一兩薄切用屋瓦盛慢火焙乾

右除使君子肉薄切於乳鉢內極細杵仍將前南木香

等四味溼麪裹煨至香熟取出地上候冷去麪剉焙同
棗肉蘆薈爲細末再入乳鉢同使君子肉杵勻煉蜜圓
作麻仁大每服三十圓至五十圓溫米湯空心送下兒
小米湯化服

使君子圓八

治腹內諸蟲作痛口吐清水

使君子肉

薄切屋瓦焙乾

檳榔

酸石榴根皮

東向者佳淨洗

剉

大黃

半生半炮四味各七錢半

右除檳榔剉曬不過火餘三味再焙同檳榔爲末沙糖

水煮麪糊圓麻仁大每服三十圓至五十圓淡猪肉汁
空心下或雞肉汁亦好

補腎地黃圓九

治稟賦不足腎氣虛弱骨髓枯竭顙大頭縫不合體瘦
語遲行步多艱齒生緩者

乾山藥

去黑皮

山茱萸

酒浸潤蒸透去核取皮爲用

熟乾地黃

酒洗焙乾三味各五錢

鹿茸

蜜塗炒酒亦好

川牛膝

酒洗焙二味各四錢

牡丹根皮

淨洗

白茯苓

去皮二味各三錢

澤瀉

去粗皮二錢

右件剉焙爲末煉蜜圓作麻仁大每服十五圓或二十
五圓至三十五圓空心溫鹽湯下溫酒亦佳

寬腸圓十

治痢後裏急大府閉澀不通

枳殼

同上製仍用清油浸透一宿焙乾五錢

麻仁

去殼

木通

去節

大黃

半生半炮

檳榔

大腹皮

淨洗焙乾五味各二錢半

右除麻仁用乳鉢極細杵外五味檳榔不過火餘焙同
研成末入乳鉢中與麻仁再杵勻煉蜜圓菜豆大每服

三十圓至五十圓仍以枳殼甘草煎湯空心送下一二
月嬰孩溫蜜湯化服

香陸胃苓圓十一

治腫疾日久不瘳此藥大能實脾導水多服取效

丁香

去梗

商陸

赤小豆

陳皮

去白

甘草

炙

味各二兩

蒼朮

如前製三兩

澤瀉

去粗皮二兩半

赤茯苓

去皮

猪苓

去皮

白朮

三味各一兩半

肉桂

去粗皮一兩

厚朴

同上製二兩

右除丁香肉桂不過火餘藥剉焙同前二味爲末用麴
微炒水浸透煮糊圓茶豆大每服二十圓至五十圓或